

# HOMILIA

SANCTISS. DOMINI NOSTRI

## CLEMENTIS XI.

PONT. MAX.

*HABITA*

IN DIE NATALI CHRISTI DOMINI

Inter Missarum Solemnia

IN BASILICA PRINCIPIS APOSTOLORUM

*ANNO MDCCVI.*



FLORENTIÆ, MDCCVII.

TYPIS REGIÆ CELSITUDINIS  
Apud Antonium Mariam Albizzini.

---

*Superiorum Permissu.*



ALICE

1911

YOUNG

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911

1911



Ux in tenebris  
 lucet , <sup>a</sup> & tenebræ eam non  
 comprehend-  
 runt . Lux <sup>b</sup> ve-  
 nit in Mundū ,  
 & dilexerūt ho-  
 mines magis te-  
 nebras , quàm

<sup>a</sup> Joann.  
 c. 1. v. 5.

<sup>b</sup> Joann.  
 c. 3. v. 19.

lucem . Falsò ergò queritur humanum ge-  
 nus , dum suis prætere de satagens ex-  
 cusationes erroribus , improborum homi-  
 num verbis illis dolet : Sol intelligentiæ  
<sup>c</sup> non est ortus nobis : justitiæ lumen non  
 luxit nobis . Verè siquidem lux in te-  
 nebris lucet , & tenebræ eam non com-  
 prehenderunt : verè lux venit in mun-  
 dum , & dilexerunt homines magis te-  
 nebras , quàm lucem . Illuminavit Domi-  
 nus , Venerabiles Fratres , Dilecti filii ,  
 illuminavit Dominus <sup>d</sup> abscondita tene-  
 brarum illustratione <sup>e</sup> adventus sui . Ha-  
 bitantibus <sup>f</sup> in regione umbræ mortis lux  
 orta est eis . Ortus est Sol justitiæ : orta

<sup>c</sup> Sapien.  
 c. 5. v. 6.

<sup>d</sup> 1. Corin.  
 c. 4. v. 5.  
<sup>e</sup> 2. Thes.  
 sal. c. 2.  
 v. 8.  
<sup>f</sup> Isaïas  
 c. 9. v. 2.

A 2

est

est Stella ex Jacob: ortus est inter homines Deus; ita sane declinante ad nos Cælo, ut non jam Solem è longinquo suspiciamus cecutientes, sed propinquâ, ac penè nobis domesticâ ejus luce coluſtremur. Tanti luminis coruscante fulgore, qui adhuc non vident, suorum agnoscant vitium oculorum, non lucem accusent. Deus <sup>g</sup> lux est, & tenebræ in eo non sunt ullæ. Tanto rebelles <sup>h</sup> lumini, qui errores suos veritati præferentes, in iis potiùs versari malunt, quàm lucem illos redarguentem recipere, culpæ nequẽunt lumen, quod refugiunt; tenebras quippe magis diligentes, quàm lucem, recta quidem <sup>i</sup> cognoscunt, quæ sequi debeant, sequi tamen despiciunt, quæ cognoscunt. Indè verò sequitur, ut qui prius videre despexerunt, obscurantur <sup>k</sup> subindè oculi eorum, ne videant, & dorsum eorum ad ferenda peccatorum onera semper incurvetur; qui enim prius fuerunt rebelles lumini, quod noverunt, postmodum

ex-

*g. Joan.  
c. 1. v. 5.  
h. Job. c.  
24. v. 13.*

*i. Ex S.  
Gregor.  
moral. l.  
16. in c.  
24. Job.  
cap. 24.  
in princ.*

*k. Psalm.  
68. v. 24.*

<sup>l</sup> excecantur, ut nesciant: & quia bonum <sup>l Ex S. Gregor. ibid.</sup>  
 noluerunt facere, quod sciebant, jam non  
 cognoscant bonum, quod faciant; Car-  
 naliū scilicet desideriorū supercecidit  
<sup>m</sup> ignis, & non viderunt solem; undè cum <sup>m Psalm. 57.v.9.</sup>  
 Regio Prophetā exclamare compelluntur;  
 comprehenderunt <sup>n</sup> me iniquitates meæ, <sup>n Psalm. 39.v.11.</sup>  
 & non potui ut viderem; Dereliquit <sup>o</sup> me <sup>o Psalm. 37.v.11.</sup>  
 virtus mea, & lumen oculorum meorum,  
 & ipsum non est mecum. Quid porrò  
 luce pulchrius, quid innocentius? Quid  
 contrā tenebris sēdus, quid criminōsius?  
 Et tamen sic <sup>p</sup> in tenebris, quasi in luce <sup>p Iob c. 24.v.17.</sup>  
 ambulant: itā <sup>q</sup> gaudentes in nocte pecca- <sup>q S. Gre. gor. ubi sup.c.25.</sup>  
 ti, ac si eos lux justitiæ circumfunderet;  
 dicentes <sup>r</sup> enim se esse sapientes; stulti fa- <sup>r Roman. cap. 1. v. 21. & 22.</sup>  
 cti sunt: & obscuratum est insipiens cor  
 eorum. Cēci sunt, & putant se videre:  
 servi <sup>r</sup> sunt, & servitutem amant: vincti <sup>r Ex S. Augst. soliloq. cap. 6.</sup>  
 sunt, & vincula non horrent: miseri sunt,  
 nec agnoscunt se esse miseros: Quid jam  
<sup>r</sup> miserius miseris non miserantibus seipsos? <sup>r S. Augst. Confession. l. 1. c. 13.</sup>  
 Tanti est lucem, quæ in tenebris lucet,  
 non recipere. Tanti est tenebras magis  
 di-

diligere, quàm lucem. Tanti est bonum  
 nosse, & à malo non declinare. Tanti de-  
 nique est orientem æternæ lucis splendo-  
 rem in Christi nativitate recolere, & adhuc  
 opera <sup>u</sup> tenebrarum non abiicere. Verùm,  
 ne, quam aliis facimus, recidat in nos  
 exprobratio, perpendamus sedulò quantâ  
 nos Dominus, qui certè non <sup>x</sup> fecit tali-  
 ter omni nationi, dignatus fuerit luce  
 perfundere; perpendamus itidem, an eo,  
 quo debemus, sollicito studio rectas illas,  
 quas splendidior ea lux nobis ostendit, se-  
 mitas jugiter inire satagamus. Quantâ, ut  
 benè nostis, illuxit nobis, & adhuc illu-  
 cet, Dominus luce gratiarum! Quantis  
 ipsam etiam sagittarum <sup>y</sup> lucem qua no-  
 bis aliquandò, ut nos emendaret, illu-  
 xit, misericordiarum radiis temperavit!  
 Caveamus, Dilectissimi, ne tot inter lu-  
 mina simus <sup>z</sup> adhuc tenebræ, non autem  
 lux in Domino, & filii lucis. Surgent  
 profectò in iudicio cum nobis Viri <sup>aa</sup> Ni-  
 nivitæ, & condemnabunt nos: quia pē-  
 nitentiam egerunt in prædicatione Jonæ.

Et

<sup>u</sup> Roman.  
cap. 13.  
v. 12.

<sup>x</sup> Psalm.  
147. v. 20.

<sup>y</sup> Habac.  
c. 3. v. 11.

<sup>z</sup> Ephef.  
v. 5. v. 8.

<sup>aa</sup> Matth.  
v. 12. v. 41.

Et ecce plusquam Jonas hic; qui toties  
 de Sion <sup>bb</sup> rugiens, dedit de Jerusalem  
 vocem suam, ut nos ad penitentiam vo-  
 caret. Regina <sup>cc</sup> Austri surget in iudicio  
 cum nobis, & condemnabit nos: quia  
 venit à finibus terræ audire sapientiam Sa-  
 lomonis. Et Ecce plusquam Salomon hic;  
 qui venit ad nos Rex pacificus, ad docen-  
 dum nos viam prudentiæ. Surgent in ju-  
 dicio cum nobis remotissimæ Sinarum gen-  
 tes, longo terrarum, mariumque interval-  
 lo à nobis dissitæ, quæ missos ab hac Petri  
 Sede divini Verbi Præcones insuetis hono-  
 rum significationibus exceperunt, & novos  
 licet, ac extremos Evangelicæ lucis radios  
 non despexerunt. Surgent gentes istæ in  
 iudicio cum nobis, & condemnabunt nos,  
 quippequi in splendoribus <sup>dd</sup> Sanctorum, <sup>dd Psalm.</sup>  
 adeoque inter ipsos meridianæ lucis fulgo-  
 res, caligantibus penè oculis, opera tene-  
 brarum abiicere adhuc nescimus. Surge er-  
 go, <sup>ee</sup> illuminare Jerusalem, quia venit lu-  
 men tuum, & gloria Domini super te orta  
 est: super te orta est. Super te Jerusalem

*bb Joel.*  
*c. 3. v. 16.*  
*& Amos*  
*c. 1. v. 2*  
*cc Matt.*  
*cap. 12.*  
*v. 42.*

*dd Psalm.*  
*109. v. 3.*

*ee Isai.*  
*c. 60. v. 1.*

OR-

<sup>ff</sup> *Isaias* ortus<sup>ff</sup> est Dominus, & gloria ejus in te  
<sup>ibid. v. 2.</sup> visa est. <sup>gg</sup> *Isai. c.* Orta est<sup>gg</sup> in tenebris lux tua, &  
<sup>58 v. 10.</sup> tenebræ tuæ factæ sunt sicut meridies.  
<sup>hh</sup> *Isai.* Super nos, Dilectissimi, orta est magna  
<sup>c. 9. v. 2.</sup> illa lux, quam<sup>hh</sup> populus vidit, qui am-  
bulabat in tenebris: Super nos orta est  
gloria Domini, qui tot, tantisque nos cu-  
mulans divinæ suæ clementiæ beneficiis,  
fulgidiori illustravit nos lumine suæ clari-  
tatis. Transierunt<sup>ii</sup> tenebræ, & verum lu-  
men jam lucet. Ne igitur simus rebelles  
lumini, quo tam splendide collucemus.  
<sup>kk</sup> *Ex O-* Hoc<sup>kk</sup> in nostro resplendeat opere, quod  
<sup>ration. 2.</sup> per fidem fulget in mente. Annuntie-  
<sup>Misse in</sup> mus<sup>ll</sup> virtutes ejus, qui de tenebris nos  
<sup>Nativit.</sup> vocavit in admirabile lumen suum. Am-  
<sup>Domin</sup> bulemus in luce, <sup>mm</sup> ne nos tenebræ com-  
<sup>ll. 1. Pe-</sup> prehendant; fructus verò lucis<sup>nn</sup> sit in  
<sup>tri c. 2.</sup> omni bonitate, & justitiâ, & veritate.  
<sup>v. 9.</sup>  
<sup>mm Jo-</sup>  
<sup>ann. c. 12.</sup>  
<sup>v. 35.</sup>  
<sup>nn Ephef.</sup>  
<sup>c. 5. v. 9.</sup>

